



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm V. Super hoc.

[urn:nbn:de:hbz:466:1-62559](#)

bet in ecclesiis subiectis curæ eius, vti non obscurè colligitur ex hoc c. & c. i. de capellis Monachor. & c. vn. eod in 6. Trident. sess. 25. c. 9. de reform. & videri potest Abb. c. in Lateranensi, 3. i. n. 6. de præb.

QUERITVR 2. Vtrum accusatus de criminе, ob quod beneficio priuari potest, ante latā priuationis sententiam renūtiare possit? Reponsio est affirmatiua, quam ex coīmuni explicaui lib. 4. Th. mor. tr. 2. c. 17. prope finem. Et ampliatur hæc doctrina apud Steph. Quarantam in sum. Bullarij, ver. beneficiorum resignationes, vt etiam procedat pendente appellatione post sententiam priuationis, quia sententia per appellationem suspensa manet, dummodò hoc casu in resignatione mentio fiat de appellatione. Limitationes verò duas afferit idem Actor circa resignationem in alterius fauorem: I. Si conclusum sit in causa, ita vt nihil restet, nisi proferenda sententia. II. Sialius quispiam à Sede Apostolica impetravit beneficium, de cuius variatione speratur: his duobus casibus renuntiatio irrita, aut subreptitia censenda erit.

CAPITVLVM V.

Super hoc.

PARAPHRASIS.

Titius beneficij possessionem amisit, illudq; ad Caium peruenit: Ille reposcit beneficium à Caio, tanquam in quo canonicè inuestitus fuerat: Caius excipit, quod idem Titius spontè cesserit, seu renuntiārit beneficio, nullam causam exprimens factæ renuntiationis. Sed Titius Actor negat se sponte renuntiāsse, quia potius vi & metu adactum fuisse.

QUERITVR hoc casu primò: Vtrum Reus audiendus sit, si spontaneam renuntiationem, sine causæ expressione objiciat. Secundò: Vter ad probationem pro altero admittendus sit; Actorne, quod sponte non renuntiārit, an verò Reus, quod spontanea renuntiatio interuenerit.

Ad i. q. respondet Clemens III. Vtile &

consultum fore, vt Iudex, coram quo con-
trouerſia agitur, causam renuntiationis
inquirat, & cognoscat, cùm verisimile non
sit, quod Titius beneficium, ex quo suste-
nari debet, & multis fortè expensis ac la-
boribus acquisiuit, facilè de causa abiura-
rit: Quod si autem allatā causā renun-
tiationis, intelligat eam probabilem esse, ad
eoq; renuntiationem factam non per vim
aut metum, nec per extorsionem, neque
per pecuniæ, aut promissionis interuen-
tum (maximè si nec iuramentum interue-
nerit; quandoquidem iuramentum raro
ex spontanea voluntate, sed plerumque ex
necessitate procedit, à malo originem tra-
hens) illam admittat: præterquam si A-
ctor replicet, se quidem renuntiationem spontaneam non
fuisse. Hoc casu Actor ad probandam re-
plicam admitti debet. Quia licet factum
negatiuum, si nudè & præcisè spectetur,
probari non possit; potest tamen, si implic-
itè & virtualiter cotineat affirmatiuum;
vt in casu proposito, si Actor dicat se re-
nuntiāsse non sponte, implicite assentib; vi
illatam esse. Fieri autem tunc solet,
vt pro eius replicatione (considerata condi-
tione dignitatis, ac bonæ opinioñis sue)
maior præsumptio sit, quam pro exce-
ptione Rei; ideoque hoc casu Actor, præ
Reo ad probationem admitti debeat.

SUMMARIUM.

1. Renuntiatio non facile presumitur; idem que stricti iuris seu interpretationis est, neque extendenda ultra casum expres-
sum.
2. Actor sua petitionis causam exprimere debet, non autem ordinariē loquendi, ren's sua exceptionis.
3. Si præsumptio maior sit pro auctore repli-
cante, quam pro reo excipiente, tum A-
ctor potius ad probationem replica ad-
mittendus est.
4. Renuntiatio beneficij facta alteri, quam
legitimo Superiori aut Collatori, valet
in preiudicium renunciantis, ita ut be-
neficio priuari possit.

5. S.

5. Simoniaca renuntiatio omni iure irrita est; quamvis simoniaca renuncians in criminis pñnam beneficio priuari possit.

NO T A N D V M I. Renuntiatio facilè non presumitur; ideóque stricti juris, seu interpretationis esse censetur, vti docent DD. apud Iosephum Mascardum de probat. vol. 3. cœl. 1263. Est enim repudiatio iuris, adeoq; species quedam donationis: nemo autē faciliter de causa donare, seu propriā factare creditur, l. cūm de indebito, 25. ff. de probat. Quam obrem docent Doctores apud eundem Mascardum, quod renuntiatio extendenda non sit ultra calum expressum: vt si quis iuri suo renuntiet ex una causa, vel vnius priuilegij adiumento; non ideo etiam censendum sit renuntiasse ex alijs causis, titulis, aliisque priuilegijs. Si tamen renuntiatio generalibus verbis concepta fuerit, ad omnia se extendit, saltem similia, & non maiora ijs, quæ expressa sunt, iuxta ea quæ dixi in c. sedes, 15. de re scriptis. Neque tamen renuntiatio generalis extendi debet ad insolita, aut probabiliter incognita, neque ad ea, quæ specialem renuntiationem suapte natura requirunt, quæs eft causa almentorum, dotis, bonorum feudalium. Interdum tamen si renuntiatio generalissima sit, præsertim geminata, etiam ea comprehendere censetur, quæ alioquin specialem derogationem requirunt, vti notauit idem Mascardus cit. concl. 1263. n. 45. post Bartol. in l. si de certa, C. de transact. & l. i. infine, ff. si quis in ius.

NO T A N D V M II. Non vti actor causam suæ petitionis exprimere debet, l. i. ff. de e dendo, cap. 2. de libelli oblatione; ita etiam Reus, ordinariè loquendo, exceptionis causam edicere tenetur, quia actio tendit ad alterius obligationem; exceptio vero ad liberationem: liberationis autem maior fauor esse solet, iuxta l. tale, 40. ff. de pactis, l. cūm de indebito, 25. in fine, ff. de probat. c. si cauio, 14. de fidei instrumentorum; Ex quibus iuribus habetur, quod confessio debiti sine expressione causa rejicit onus probandi in creditorem; sed confessio solutionis, aut remissionis sine expressione cause, absolute li-

berat debitorem. Veruntamen si præsumptio sit contra Reum excipientem, tum index ex officio cogere illum potest ad expressionem cause: Ut in proposito casu, si Reus conuentus dicat, quod Aduersarius spontanea voluntate renuntiari beneficio, interrogari potest, quam causam ille habuerit huius renuntiationis facienda. Quia id scire vtile est ad causæ expeditionem: quamvis absolute non necessarium; cūm satisfaciat Reus, si testes exhibeat, qui dicant se renuntiationi factæ interfuisse, eamque audiuisse, neque ullam aduertisse circumstantiam, ob quam non spontanea, sed coacta aut extorta renuntiatio censeri deberet, sicuti ex Antonio de Butrio refert hic Imola, n. 8.

NO T A N D V M III. Si præsumptio major sit pro Actore replicante, quam pro Reo excipiente, tum Actor potius ad probationem replicæ admittendus est: Ut in proposito casu, si vir probatae vitæ dicat, ac probare velit, se non sponte, sed coactum beneficio renuntiasse: quandoquidem nemo facile iuribus & commodis suis renuntiare censetur. Accedit, quod violentia, quippe exterius conspicua, faciliter probari possit, quam spontanea renuntiatio, quæ in animo latens est, & ferme probari non potest, nisi per negationem, videlicet nullam vim adhibitam fuisse: qua de re videri hic potest Innocent. n. 8. Abb. 34. 35. Vide quæ in simili dixi lib. 4. Th. mor. tr. 3. c. 5. n. 3. dicto 2.

His adde: Si Actor probet se violentiam passum, atque beneficio spoliatum esse, id eoque agat interdicto possessionis recuperandæ ei obijci non posse exceptionem factæ renuntiationis, vti habetur in c. 2. de restit. spoliatorum: quia spoliatus prius restitui debet, quam de iure proprietatis disceptetur.

NO T A N D V M IV. Renuntiatio beneficij facta alteri, quam legitimo Superiori aut collatori, valida est in præiudicium renuntiantis, ita vt beneficio priuari possit. Ita docent DD. in c. quod in dubijs, hoc tit. & colligitur ex hoc textu, cūm dicuntur, renuntiationem à Superiori admittendam, seu ratam habendam esse, si ostensum fuerit, non

M m m 2 vi, ne

vi, nec metu, nec oppressione, nec pecuniae interuentu, nec alia simoniaca pactione perfectam fuisse, haud dubie coram alio, quam Superior. Porro si ostensum fuerit, per vim, aut metum iniustum renuntiationem factam esse, seu in manibus Superioris, seu alterius cuiusque, succurrendum est metum passo, iuxta c. 2. de ijs qui vi, &c. Si autem renuntatio simoniaca fuit, omni iure irrita censeri debet, iuxta c. cum non pridem, & c. vlt. de pactis. Quamvis simoniace renuntians in criminis pecuniam beneficio priuari possit per Superioris sententiam, vti Gl. hic notauit, ver. pecuniae, Gregor. Tholos. de re beneficiaria, cap. 3. i. in fine. Videri potest Garcias de beneficijs p. 11. c. 3. n. 145.

CAPITVLVM VI.

In præsentia.

PARAPHRASIS.

Titius Caio possessori Abbatiae litem intentauit, dicens eam ad se pertinere. Causa delata fuit ad Sedem Apostolicam: Pontifex eam commisit Episcopo Dulmeni, & quibusdam alijs; Illi pro possesso contra actorem Titium iudicarunt. Sed is contendebat sententiam esse nullam; quia lata sit contra liquidam probationem iuris sibi competentis; cum tamen possessor parum vel nihil probauerit. Ad hoc responderet Clemens III. scribens ipsi Caio possessori Abbatiae, quod Iudex interdum non attendat ad vnam vel alteram probationis speciem; sed ex confessionibus partium, testium depositionibus, alijsque publicis allegationibus formet animi sui iudicium, atque ita sententiam pronuntiet: tantamque esse iudicialis sententiae auctoritatem, vt semper pro eius iustitia præsumi debeat, donec contrarium legitimè probetur. Quamobrem tametsi Caius possessor coram Iudicibus delegatis nihil omnino probasset, tamen standum esset sententiæ Iudicium, nisi Adversarius ostenderet, eam rescindendam

esse. Verumtamen, cum etiam confeteret quibusdam Episcoporum literis, euifque propria confessione, quod iuri, si quod ei ad Abbatiam competeteret, sponte renuntiarit, ideo Pontifex ei super eadem Abbatia silentium imponit.

SUMMARIUM.

1. *Iudex non tenetur sententiam ferre secundum quamcumque probationis speciem, quia quid iurum cuique probationi insit, prudentis Iudicis arbitrio committitur, l. 3. §. Eiusdem quoque, ff. de testibus. Sed Iudex ad omnia attendere debet, quæ in iudicium producentur, ad allegationes, probationes, confessiones partium, testium qualitates, ac depositiones, denique quid iuri aut receptæ consuetudini conueniat, vt id in medium producatur; atque ex his denique sententiam format, quæ iusta ipsi videtur.*
2. *Præsumptio est pro iudicis sententia, eam esse iustum, & legitimè latam.*
3. *Non tamen hac præsumptio est semper iuris & de iure, ita ut probatio in contrarium non admittatur.*

NO TANDVM I. Iudex non tenetur sententiam ferre secundum quamcumque probationis speciem, quia quid iurum cuique probationi insit, prudentis Iudicis arbitrio committitur, l. 3. §. Eiusdem quoque, ff. de testibus. Sed Iudex ad omnia attendere debet, quæ in iudicium producentur, ad allegationes, probationes, confessiones partium, testium qualitates, ac depositiones, denique quid iuri aut receptæ consuetudini conueniat, vt id in medium producatur; atque ex his denique sententiam format, quæ iusta ipsi videtur.

NO TANDVM II. Præsumptio est pro Iudicis sententia, eam iustum, seu legitimè latam esse. Ita etiam habetur in c. bonæ, 23. de elect. c. sicut, 16. in fine, de testibus: Et in reg. 207. ff. dicitur, quod res indicata pro veritate accipitur. Ratio sumi debet parim ex auctoritate Iudicis, publicum officium gerentis, vti colligitur ex cit. c. sicut: partim ex partium quodam consensu, quæ per litis contestationem sententia Iudicis se submittere censentur. Quare idem etiam dicendum de sententia arbitri, præsumptionem esse pro iustitia eius, donec contrarium appareat, sicuti hic notat Anton. de Butrio, addit. Ioann. Andr. lit. a.

Sed